



bondia.aruba@gmail.com

Mientras cu Fiscal a existi 3 aña di prison Hues a condena e sospechoso na 1 aña y 6 luna

Ministerio Publico ta evaluando pa apela sentencia den caso di padastro cu a abusa di su yiu di crianza

ORANJESTAD – E decision di Hues den e caso penal contra e homber Colombiano F. (44) biba na Aruba, no a cay na agrado di Ministerio Publico.

TENE RELACION SEXUAL CU YIU DI CRIANZA

E homber F. ta wordo acusa cu entre 1 Augustus 2009 te cu 31 di Mei 2010, el a haci actonan immoral cu su yiu di crianza. Anteriormente a caso aki a wordo posponi riba peticion di abogado kende kier a scucha e victima y tambe e acompañaante di e sospechoso. Ta asina cu e victima durante e interrogacion cu a tuma lugar dilanti Hues Comisario lo a bisa cu ta el a bin cu e iniciativa.

CASTIGO

Ta asina cu Fiscal a condena totalmente loke e

padastro a haci cu su yiu di crianza di 13 aña. Como hende adulto bo mester a hala e mucha su atencion pa cu su comportacion y abstene di tene relacion sexual cune. Ta asina cu F. a admiti di a tene diferente biaha relacion sexual cu e mucha. Fiscal a existi 3 aña di prison. Hues despues di a scucha abogado mr. Yarzagaray, a sera tratamiento di e caso y a dicta sentencia di biaha. Hues ta haya F. culpable y a conden'e na mitar di loke Fiscal a existi. El a condena F. na 1 aña y 6 luna di prison.

APELA SENTENCIA

Ta asina cu tanto Ministerio Publico como un sospechoso, tin e derecho pa apela un sentencia si no ta di acuerdo cu esaki. Investigacion cu a haci ta muestra cu Ministerio Publico no ta di acuerdo cu e sentencia di Hues y cu ta evaluando si ta apela esaki. Te ainda no a tuma un decision definitivo riba esaki.

